



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆԻ ԲԱՂԱՔԻ ԿԵՆՏՐՈՆ ՎԱՐՉԱԿԱՆ ՇՐՋԱՆԻ ԴԵԿԱԿԱՐ

ք. Երևան, Տերյան փող., 44, հեռ.՝ (+374 11) 518 401, էլ. փոստ՝ kentron@yerevan.am

N 952-16

«21» 11 2019թ.

Ո Ր Ո Շ ՈՒ Մ ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Երևանի քաղաքապետարանի աշխատակազմի առևտրի և սպասարկումների վարչության առաջին կարգի մասնագետ Հայկ Մարգարյանի կողմից 30.10.2019թ. կազմված թիվ 032703 վարչական իրավախախտման վերաբերյալ արձանագրության հիման հարուցված վարչական վարույթում Երևան քաղաքի Կենտրոն վարչական շրջանի վարչական իրավախախտման վերաբերյալ գործերը քննելու և վարչական տույժ նշանակելու համար նյութերը նախապատրաստող հանձնաժողովը /այսուհետ՝ Հանձնաժողով/, Երևանի Կենտրոն վարչական շրջանի ղեկավարի 08.02.2019թ. թիվ 49-Ա որոշմամբ հաստատված կազմով, 21.11.2019թ. տեղի ունեցած նիստի ընթացքում քննեց 30.10.2019թ. կազմված թիվ 032703 արձանագրության մեջ նշված վարչական իրավախախտման վերաբերյալ գործը, որի համաձայն անհատ ձեռնարկատեր Մարթա Առաքելյանի կողմից 14.10.2019 թվականին Երևան քաղաքի Մաշտոցի պողոտա թիվ 45 հասցեում առանց թույլտվության իրականացվել է ոգելից խմիչքների և ծխախոտի արտադրանքի վաճառք:

Գործի քննության ընթացքում Հանձնաժողովը, էական փաստական և իրավաբանական հանգամանքների հետազոտման արդյունքում, պարզեց, որ անհատ ձեռնարկատեր Մարթա Առաքելյանի կողմից կատարվել է վարչական իրավախախտումների վերաբերյալ օրենսգրքի /այսուհետ՝ Օրենսգրքի/ 169.16-րդ հոդվածի 1-ին մասով /առանց թույլտվության ոգելից խմիչքների և (կամ) ծխախոտի արտադրանքի վաճառք իրականացնելը, իսկ հանրային սննդի օբյեկտներում՝ ոգելից խմիչքների և (կամ) ծխախոտի արտադրանքի իրացում իրականացնելը/ նախատեսված վարչական իրավախախտում:

Ելնելով վերոգրյալից, հիմք ընդունելով Հանձնաժողովի ուսումնասիրության արդյունքները և գործի քննության ընթացքում պարզված հանգամանքները, ղեկավարվելով Օրենսգրքի 23-րդ հոդվածի 2-րդ մասով, 169.16-րդ հոդվածի 1-ին մասով, 219.1-րդ և 281-րդ հոդվածներով, Երևան քաղաքի ավագանու 07.05.2010թ. «Երևան քաղաքի վարչական շրջանների ղեկավարներին լիազորություններ պատվիրակելու մասին» թիվ 96-Ն որոշմամբ, Վարչարարության հիմունքների և վարչական վարույթի մասին օրենքի 59-րդ հոդվածի 2-րդ մասով,

ՈՐՈՇՈՒՄ ԵՄ

1. Անհատ ձեռնարկատեր Մարթա Առաքելյանին 169.16-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 20.000 /քսան հազար/ ՀՀ դրամի չափով:

2. Առաջարկել անհատ ձեռնարկատեր Մարթա Առաքելյանին միջոցներ ձեռնարկել իրավախախտման պատճառները և պայմանները վերացնելու ուղղությամբ և Օրենսգրքի 305-րդ հոդվածի համաձայն 20.000 /քսան հազար/ ՀՀ դրամ վարչական տուգանքը վճարել սույն որոշումը ստանալու օրվանից ոչ ուշ, քան տասնհինգ օրվա ընթացքում՝ վճարում կատարելով կենտրոնական գանձապետարանի 900015213110 հաշվեհամարին: Օրենքով սահմանված ժամկետում տույժը չվճարելու դեպքում այն կարող է բռնագանձվել դատական ակտերի հարկադիր կատարման ծառայության միջոցով:

3. Կայացված որոշումը եռօրյա ժամկետում պատշաճ ձևով կուղարկվի անհատ ձեռնարկատեր Մարթա Առաքելյանին:

4. Որոշումը կարող է բողոքարկվել վերադատության կամ դատական /ՀՀ վարչական դատարան/ կարգով որոշումն ուժի մեջ մտնելու օրվանից երկու ամսվա ընթացքում:

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ

ՍԵՐԿ ԵԱՐԳԱՐՅԱՆ

